

唐僖宗賜廣堂聯

九重天上書聲貴

千古人間姓字香

南唐昇元元年勅立義門豎義柱二條左鐫義字右鐫門字

宋太宗賜廣堂聯

宋眞宗賜廣堂聯

三千餘口文章第

莊分七十二州人間第一

五百年來孝義家

義聚三千餘口天下無雙

宋眞宗賜匾

又賜書閣匾

宋太宗賜匾

眞良家

忠孝世家

義門陳氏

學士黃山谷贈匾

學士歐陽修贈匾

忠孝世家

孝友可風

宋太宗賜詩

金門宴罷月如銀

環珮聲聲出鳳城

問到江南誰第一

咸稱惟有義門陳

宋太宗賜江州陳氏詩

水閣山齋架碧虛
亭亭華表耀門闕
祖宗遺下林泉記
孫子相承孝義廬
原上鵲鴿常急難
庭前棠棣早邀譽
潁川郡派傳千古
芳振江州紹有虞
宋仁宗勅賜義門分莊詩

江州久著義門莊
莊上分莊歲月長
帶固根深誰與並
珠輝玉朗孰同行
漫漭詩禮追鄒魯
須信簪纓賽謝王
予姓各知遵義範
永於舜德有重光

朱紫陽夫子贈詩

異類猶同食 羣居共一門

唐朝無舊國 尙有九江陳

王公億贈詩

聞說東佳院 名將闕里偕 生徒似東魯 書籍勝西齋

俎豆儒風盛 墳簞樂韻諧 門庭雙桂茂 編集九流排

講學褰紗帳 題詩上粉牌 荀陳傳舊族 游夏結同儕

紅實洲生橘 清陰市種槐 夜蟾穿戶牖 清瀑瀉岑崖

達客來千里 新恩出兩階 橫經定何日 憑此寄幽懷

宋丞相李昉題寄義門陳氏山房詩

孝義冠鄉閭 門多長者車 歲收千頃稻 家貯一樓書
待客開新酒 留僧煮嫩蔬 三公老且病 無暇訪山居

宋內翰王禹偁題

華胄遙遙信不虛 義居風範孰能如 力田歲積千箱稻 好學家
藏萬卷書 靜對杯盤燒野笋 別開池沼養溪魚 吾生未有林泉
記 空愧前賢臥直廬

拜陳伯宣先生墓

柳宏題

馬蹄特就訪賢來 隔日紅塵喜自開 古塚有蹤經歲月 殘碑無

字被雲埋入龍道學傳遺緒
古文星照夜臺囑附義門陳
氏子年年此處掃莓苔

宋集賢院學士同知樞密院事新安錢若水題東佳書屋詩

崇子衮與端子襄新建義門書屋於東佳山

居^近今東佳對白雲義風深可勸人
倫兒曹盡得詩書力門巷

偏多車馬塵樓上落霞黏筆硯
池邊怪石間松筠鄉村豈獨
民遷善階砌無聞犬亦馴朱實垂庭
沙橘孰^熟清香襲座藥畦

春他年好卜爲鄰住悔葺吾廬
洛水濱

宋樞密院事同平章事潁川四十五世孫堯叟過義門山莊題

旌宅園亭煥水香四時煙景似滄浪潯陽霽色連莎砌廬嶽
清陰覆草堂田里從容應逸畔兒童遊戲亦成行吾君至理
型天下誰拾風謠綴樂章

宋右僕射同平章事幽州宋琪題

羣賢肄業文章盛孝友成家族更豪旌表異恩門第舊史書
新傳姓名高詒孫有穀榮非數待士無蔬畧豈勞我想東佳
終未到只應勝概屬仙曹

宋右僕射同平章事袁州府曹州張齊賢題

五百年來煙爨同衣冠江右慕家風兒孫歌舞詩書內鄉黨

優游禮義中孝弟筠編爭紀錄門閭天語賜褒崇笑將六閔
方朱氏累葉烝嘗奉始終

宋丞相臨川^晏殊題

西齋輝赫亘山隅佳致清風世莫如鄉黨名流依絳帳煙蘿
幽境似仙居趨庭子弟皆攀桂彈鋏賓朋徧食魚汗簡傳經
亞鄒魯粉牌留詠盡嚴徐杯盤互進先生饌門巷應多長者
車墳籍豈惟精四部絃歌常見習三餘玳簪珠履延髦士綳
帙牙籤列賜書碧沼暮涼浮藻荇紗窓秋淨漏蟾蜍閒庭瀟
灑移泉石華表崢嶸冠里閭我愧羈游臺閣裏下培諸彥曳

長裾

明少保吏部尚書豐城黃宗載題 贈藩參彥卿陳公祖入覲

還任詩

西江自古名藩翰送客之官事若何引越控荆輿地遠承流
宣化宦情多春風懷抱心猶在秋水精神鬢未皤想到豫章
城下泊耄倪相慶喜重過

翰林侍講星子余鼎題

江右藩參一老成遠來觀闕復南行鴈壺一醉看黃甲螺蓋
孤斟值白庚雨過西山藏樹影月明南浦雜江聲道官好爲

旬宣徧一到蒼生樂太平

都察院右副都御史南城鄧棨題

幾年參佐鎮雄藩此日重沾雨露恩
袖惹天香辭鳳闕酒斟桑落別都門
彩船風靜關河遠畫省人稀鳥雀喧
自是編氓懷舊德清時方嶽重旬宣

太子太保禮部尙書新淦金幼孜題

德星光燦照江南又向東門促去驂
宣化薇垣仁政洽拜辭楓陛寵恩闔
公雅望清如許召伯棠陰翠正酣
畫省到時風景好浦雲山雨府潭潭

華蓋殿大學士柱國少師兵部尚書楊士奇題

文彩飄飄獨自揚又從霄漢沐恩光
退朝但覺天顏遠回首誰
憐別思長山雨弄晴芳樹合汀花吐秀曉風香
西方父老懸相望莫惜餘波及一方

南京右都御史寧都陳勉題

紫袍金帶舊藩臣天上恩沾雨露新
正喜伊周同事業幸逢堯
舜吐經綸爐爇靜對薇垣曙玉燭頻調畫省春
濟世才名今在汝莫忘宗黨福斯民

貴州左布政使萬載易節題

昭代恩覃眷老成陳侯喜拜出楓宸碧梧棲鳳鳴陽久紫誥廻
鸞沐寵新好罄丹衷酬聖主宜宣德化及斯民春風二月都門
別無奈相思入夢頻

山西右布政使上高王綱題

昔年畫省辱相知今復欣逢在帝畿兩袖天香星北拱一帆春
色日南歸風生粉署翻紅葉月轉朱闌照紫薇霖雨西江多潤
澤台衡事業莫相違

南京禮部侍郎東筦陳連題

才華藉甚重儒林甲第何番歲月侵孝友家聲傳世久寬和政

令慰民深天邊杳杳王喬寫花外洋洋子賤琴君到上林應自
勉去思碑建抵千金

廣東布政司左參政蒼梧龔篴題

路問衡陽入柳州若爲江上泛仙舟輕風滿袖三湘客微雨生
寒五嶺秋自是魯公多異政能知卓茂取封侯有爲今古皆如
此留得芳名到汗牛

湖廣按察司副使劉淵題

昭代郎官重老成美君出宰邁時英南雍夙學推淹貫北闕新
除荷寵榮此際羣黎蒙聖澤佇看百里著芳聲他年秩滿朝天

去共擬調元贊太平

禮部儀制司郎中遂溪吳正直題

百里郎官應列星銅章新綰最光榮
河陽桃李誇潘岳言偃絃歌化武城
夜月孤村無犬吠春風郊野有農耕
平生學問牛刀試善政清風在此行

工部尙書治生貞庵曹亨題

使君旌節下浮光便覺陽春布大荒
膏澤敷施圖郅治瘡痍振起仗全康
姓名早已馳丹閣聲譽今看遶帝鄉
小試牛刀權借寇令人百世詠甘棠

山西稷山縣知縣治生杜萬斛題

製錦才華頓異常
浮光久仰德循良
福星一路敷南土
霖雨三篙灑蔡鄉
訟息簾隨庚日永
政清琴叶午風涼
甘棠此去無窮想
還展經綸到玉堂

戶部左侍郎治生吳臯喩時題

鶯花三月駐燕臺
話別尋芳策馬來
帆促祖筵歸洛浦
詩憑短笛落江梅
百年事業雲迎渡
十載琴書日照桅
極目風煙無限意
高山流水自徘徊

山東按察使司按察使治心謝孟金題

岐路睽人得倚樓
翁來何迅轉輕舟
晴川芳草迷征路
嶺表梅花憶舊侯
細郭風聲迎竹馬
太邱心事話盟鷗
何年聚首秋江上
把盞慇懃說勝遊

廣東廉州府推官古岡郭崑題

銀河夜靜客星明
尊酒長亭送客行
把袂同分蘇李美
論文敢負范張盟
君今挾策時千里
我亦相思日幾程
他日蒼生霖雨足
肯將餘樂付東耕

廣西南寧府知府陳邦治題

貴境何年幻此洲
孤蹤若謂使君留
渚蘭自別紅塵味
汀芷爭

芳白露秋鎮定巨方唯僅見盤旋波浪獨專休箇中該載知多
少碧草黃花作盛游

山西按察司副使陳柏題

千古高名仰太邱吾家眞脉自源頭蓬瀛縹緲明如練雲水漣
漪翠欲流春漲亭臺高麓渚雨餘花草艷紅樓幽懷未許多乘
興甲第於君取次收

四川新繁縣知縣江陵魏光祚題

將進鄆筒萬里觴那堪把袂別江鄉風清官舍吳鉤冷月照行
舟楚玉光擊楫聲華推士雅彈冠意氣洽王陽黃金早試燕臺

駿竚聽芳音慰八行

四川成都府灌縣知縣雲夢景四陽題

樽酒難留錦水羈攔街竹馬滿花前纔驚飛寫來仙尹忽憶攀
轅借寇賢勳業鏡看青鬢狀文章繩有白眉研春風得意先官
柳頻囀驚聲郢上傳

陝西道御史漢水朱寵題

芳亭水遶古城東翠帶迢迢在眼中散彩嬋娟輝夜月沾衣時
雨潤泥封傳經幸際陳朱侶望道須追孔孟蹤萬里雲衢天闕
近行看佩玉色匆匆

太常寺卿歷吏部四司夢鶴玉秩題

秋風八月桂花開有客輕車指上臺千里鳴騶驚鸛鵲一經濟
世佐鹽梅蒼童白叟頻瞻斗繡服花廳喜聽雷愧我老殘徒抱
切佇看麟閣羨奇才

太僕寺卿巡按廣東龍屏蔡結題

河水滌涸漢上台主人雅抱出塵埃四時飽飫讀書樂八月爭
看試劍才杏雨霏霏浸玉勒桃花灼灼照金杯君家世德貽休
遠准擬先聲破草萊

通政使奉 命諭南郊使全州黃驥題

蚤歲鄉書獨薦雄詞源浩浩氣如虹九重恩寵榮除後百里人
民仰戴中秋盡炎荒牕水冷日晴桂嶺瘴煙空天邊鳬舄看將
遠漸過嵩山漢水東

山西布政司右參政合浦韓珠題

新授郎官宰上林昔人琴鶴每相尋簪纓深沐天邊寵才德終
爲廣右霖故里交游情最厚祖筵餞別酒頻斟武城當日絃歌
治致使清芳播到今

南京戶部員外郎治生王惟善題

雄封攝篆月三週滿邑絃歌教化流夜雨一天新德澤甘棠百

里徧吟謳政閒得句金敲韻官冷無錢月載舟借寇暫時遺愛
久循良聲價重皇州

德安府推官治生高尚仁題

故人何幸喜相逢更覺醇醪意味重雅志謾誇陳仲子雄才今
見漢元龍賢聲早徹丹霄下離思翻成去後濃悵望不堪旌旆
遠夕陽苔砌已寒蛩

楚宗藩奉國將軍秀峯朱顯郁題

極目長庚映上台楚天鸞鶴傍尊罍疊鹿冠華夏三千丈玉案青
州百萬杯有子明經皆寶樹諸孫繞膝擬班萊漢宮花發逢初

度海屋籌添歲幾回

通家寅侍教生博白殿屏黃椿頓首謝別詩四首

仕路相逢古岷陽衣冠三載藉餘芳分猷撫字哀癯獨共布仁
風長善良心泰頓忘仇屋矮庭閒惟有宓琴傍許多協贊寅恭
美不盡臨岐思倍傷

相別速兮相會遲萍蹤喜合又悲離同堂共事偏多幸判袂臨
岐豈不思恩滿鄆筒君釀酒綠深勾漏我栽芝捧書何日來西
粵陳榻應虛待故知

欲別離兮淚潛然人生聚散總浮煙只因萋菲成衣貝不爲流

亡愧俸錢錦水玉山雖可玩吳江桂嶺更堪憐秋風賦就歸來
去喜有寅知贈別篇

輕舟解纜別江隈自在中流鼓棹催江鳥集檣如眷戀野花夾
岸似徘徊瞿塘春去魚須少衡嶺秋來鴈半迴別後相思雲夢
濶逢人莫惜隴頭梅

刑部尙書南昌敬吾魏時亮題

贏得銀河一脉來茆齋結在白沙隈鷗喧煙渚笙簧活雲鎖征
帆畫幅開黃卷朱絃間處債清風明月掌中杯知君樂地應無
限何日酣歌索笑梅

禮部左侍郎江夏明龍郭正域題

夾岸山光一派秋
維河水向大江流
春深日煖魚堪化
風靜波平鷗自浮
日月變酬身擬跡
乾坤浩蕩酒爲傳
圖書圈裏從誰定
己許湖天夜共幽

祭酒漢中蕭良有題

驅車千里走長安
兩地依依別袂難
同學少年棲綠野
懷珍國事動奇觀
蒼茫煙樹鄉情濶
荏苒風塵客夢殘
此去四川消息好
白蔴光照大峩寒

南京戶部員外郎甌山張緒題

千里緘書問遠天錦城花覆鄆筒妍行春漫聽巴人曲佐政先
調蜀國絃莫厭卑棲依枳底何妨薄領咏松前才名自是清時
雋爲報君平一宿懸

舊譜詩文多皆腐爛揀其未闕者錄之 按自才華籍甚重
儒林以下似非贈藩參入覲還任者因老譜俱未注明故仍
之